

Na osnovu člana 47. stav (2) tačka b). Zakona o prostornom uređenju ("Službene novine Kantona Sarajevo", broj 7/05) i člana 36. stav (1) tačka b). Statuta Općine Ilidža ("Službene novine Kantona Sarajevo", broj 5/98), Općinsko vijeće Ilidža je, na sjednici održanoj 5. oktobra 2006. godine, donijelo

ODLUKU

O USVAJANJU IZMJENA I DOPUNA REGULACIONOG PLANA "STUP I"

Član 1.

Usvajaju se Izmjene i dopune Regulacionog plan "Stup I" (u daljnjem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluka o provođenju Izmjena i dopuna Regulacionog plana "Stup I"
- Tekstualni dio Plana.

Grafički dio sadrži:

A. - POSTOJEĆE STANJE

1. Geodetska podloga 1:1000
2. Izvod iz urbanističkog plana 1:5000
3. Postojeće stanje -
Namjena, spratnost, i kategorizacija arh. objekata 1:1000
4. Postojeće stanje -
Posjedovno stanje 1:1000

B. PROJEKCIJA RAZVOJA

1. Namjena površina 1:1000
2. Namjena, razmještaj i spratnost arh. objekata . . . 1:1000
3. Plan rušenja 1:1000
4. Mreža građevinskih i regulacionih linija 1:1000

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Ilidža i Zavoda za planiranje razvoja Kantona Sarajevo.


Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-2163/06-5
5. oktobra 2006. godine
Ilidža

Predsjedavajući
Općinskog vijeća
Pero Šimunović, s. r.

D:\PLANIRANO STANJE-STUP I.DWG, 21.9.2006 14:25:48, hp L



Na osnovu člana 47. stav (2) tačka b). Zakona o prostornom uređenju ("Službene novine Kantona Sarajevo", broj 7/05) i člana 36. stav (1) tačka b) Statuta Općine Ilidža ("Službene novine Kantona Sarajevo", broj 5/98), Općinsko vijeće Ilidža je, na sjednici održanoj 5. oktobra 2006. godine, donijelo

ODLUKU

O PROVOĐENJU IZMJENA I DOPUNA REGULACIONOG PLANA "STUP I"

Član 1.

Ovom Odlukom utvrđuje se provođenje Izmjena i dopuna Regulacionog plana " Stup I " (u daljnjem tekstu: Plan), a naročito: granice prostorne cjeline i granice površina namjena, urbanističko-tehnički uvjeti za izgradnju građevina, uvjeti za izgradnju objekata i uređenje građevinskog zemljišta, uređenje zelenih slobodnih površina, te odnosi prema postojećim objektima kao i djelatnosti i uslovi pod kojima se pojedine djelatnosti mogu obavljati u planiranom prostoru.

Član 2.

Granica obuhvata počinje od mjesta gdje ulica Pijačna, k.č. 2097/1 KO Stup izlazi na željezničku prugu Sarajevo-Ploče, k.č. 2075, te ide na sjeveroistok uz željezničku prugu Sarajevo - Ploče, k.č. 2075, koju ne obuhvata i dolazi do podvožnjaka na istoj ispod kojeg prolazi Bojnička ulica k.č. 2087/1, odnosno planirana trasa XIII transversale, lomi se idući u pravcu jugoistoka Bojničkom ulicom k.č. 2087/1 (njenim jednim dijelom), odnosno osovinom projektovane trase XIII transversale koja ide preko parcela k.č. 2087/1, 90, 89, 425, 423, 418, 2094 (put), 414, 412, 411, 409/2, 409/1, 404, 400, 397/3, 397/4, 397/6, 392, 2081, 2082 i 892/1 K.O. Stup i dolazi do raskršća trase XIII transversale i ulice Bulevar Meše Selimovića k.č. 2091, nastavlja na jugozapad idući sjevernom stranom ulice Bulevar Meše Selimovića k.č. 2091 koju ne obuhvata i dolazi do raskršća iste i planirane trase XIV transversale koju obuhvata, a koja ide preko parcela k.č. 1655/2, 1656, 2074 (rijeka Dobrinja), 850, 852, 851, 849, 848, 846, 845/1, 845/2, 844, 839/2, 839/1, 836 i 834 K.O. Stup, te dolazi do raskršća ulice Pijačna k.č. 2097/1 i željezničke pruge k.č. 2075 odnosno mjesta odakle je opis granice i počeo.

Sve naprijed navedene parcele nalaze se u K.O. Stup Općina Ilidža.

Ukupna površina obuhvata iznosi cca 35,7 ha.

Član 3.

U sklopu obuhvata ovog plana definisane su zone sa sljedećim namjenama:

- A. Individualno stanovanje (1, 2 i 3)
- B. Stambeno-poslovne zone (1, 2 i 3)
- C. Poslovne zone (1 i 2)

Individualno stanovanje

Individualno stanovanje broj 1 obuhvata područje čija granica počinje od tromede parcela k.č. 2075 (željeznička pruga), 467/2 i 468, ide na sjeveroistok uz željezničku prugu (Sarajevo-Ploče) k.č. 2075 koju ne obuhvata te dolazi do njenog raskršća sa trasom XIII transversale, lomi se idući na jugoistok uz trasu XIII koju ne obuhvata te dolazi do njenog raskršća sa putem k.č. 452, produžava na sjeverozapad idući uz put k.č. 452 kojeg projektovane saobraćajnice koju obuhvata i dolazi do mjesta gdje trasa projektovane saobraćajnice presijeca među između parcela k.č. 439 i 466, ide na jugozapad međama parcela k.č. 466, 467/1 i 467/2 (obuhvata ih) lomi se idući na sjeverozapad međom između parcela k.č. 467/2 i 468 te dolazi do tromede odnosno mjesta odakle je opis Individualnog stanovanja broj 1 i počeo.

Sve naprijed navedene parcele nalaze se u K.O. Stup.

Ukupna površina obuhvata iznosi 3,46 ha.

Individualno stanovanje broj 2 obuhvata područje čija granica počinje od raskršća puteva k.č. 2076 i 2094, ide na jugoistok uz put k.č. 2094 kojeg ne obuhvata te dolazi do tromede parcela k.č. 2094, 825 i 824, lomi se idući na jugozapad uz trasu projektovane saobraćajnice koju ne obuhvata i dolazi do tačke broj 1 koja se nalazi na parceli k.č. 821/3 udaljenoj od sjeveroistočnog ishodišta lista R=l:1000 broj 221 po y= 224 m a po x= 108,5 m ide u pravoj liniji na sjeverozapad i dolazi na jugoistočni rub parcele k.č. 821/2, produžava na sjeverozapad idući međama parcela k.č. 821/2 i 818 (obuhvata ih), ide na jugozapad međama parcela k.č. 815/7 i 815/6 koje obuhvata te dolazi do trase projektovane saobraćajnice kojom se lomi idući na sjeverozapad a koja ide preko parcela k.č. 817/6, 815/9, 815/8, 813/9, 480, 482, 485/1 i 485/2, produžava na sjeveroistok idući parcelom k.č. 485/2 koju obuhvata te dolazi do puta k.č. 2094 odnosno raskršća odakle je opis granice Individualnog stanovanja broj 2 i počeo.

Sve naprijed navedene parcele nalaze se u K.O. Stup.

Ukupna površina obuhvata iznosi 2,8 ha.

Individualno stanovanje broj 3 obuhvata područje čija granica počinje od tromede parcela k.č. 868, 865 i 829 ide na istok, sjeveroistok te jugoistok trasom projektovane saobraćajnice koju ne obuhvata a koja ide preko parcela k.č. 868, 870, 873, 829 i 879/9 te izlazi na njeno raskršće sa putem k.č. 2079 lomi se idući na jugozapad idući uz trasu projektovane saobraćajnice koju ne obuhvata te dolazi do njenog raskršća sa trasom XIV transversale, produžava na sjeverozapad idući uz trasu XIV transversale koju ne obuhvata skreće na sjeveroistok idući sjeverozapadnim međama parcela k.č. 869 i 868 (obuhvata ih) te dolazi do tromede odnosno mjesta odakle je opis granice Individualnog stanovanja broj 3 i počeo.

Sve naprijed navedene parcele nalaze se u K.O. Stup.

Ukupna površina obuhvata iznosi 2,16 ha.

B. Stambeno-poslovne zone

Stambeno-poslovna zona broj 1 obuhvata područje čija granica polazi od raskršća ulice Bulevar Meše Selimović i trase XIII transversale ide na jugozapad uz ulicu Bulevar Meše Selimovića koju ne obuhvata i dolazi do njenog raskršća sa trasom XIV transversale, lomi se idući na sjeverozapad uz trasu XIV transversale koju ne obuhvata te dolazi do njenog raskršća sa putem k.č. 2079, produžava na sjeveroistok idući uz put k.č. 2097 odnosno njegovu projektovanu trasu (ne obuhvata put), skreće na sjeverozapad idući trasom projektovanog puta kojeg ne obuhvata a koji ide preko parcela k.č. 879/9 i 829, produžava na sjeveroistok idući uz trasu projektovanog puta kojeg ne obuhvata a koji ide preko parcele k.č. 829 te dolazi do tačke broj 1 koja se nalazi na parceli k.č. 829 udaljenoj od jugoistočnog ishodišta lista R=l:1000 broj 221 po y= 108,5 m a po x= 219 m, lomi se idući na jugoistok u pravoj liniji te dolazi do tačke broj 2 koja se nalazi na medi između parcela k.č. 829 i 827/4 udaljenoj od jugoistočnog ishodišta lista R=l:1000 broj 221 po y= 87,5 m a po x= 201,5 m, produžava na jugoistok idući međom parcele k.č. 827/4 koju ne obuhvata te izlazi na put k.č. 2079, nastavlja na sjeveroistok te sjeverozapad idući trasom projektovanog puta kojeg ne obuhvata i dolazi do tromede parcela k.č. 826, 822 i 824, produžava na sjeveroistok idući međama parcela k.č. 826 i 825 (obuhvata ih) te izlazi na ulicu Ismeta Alajbegovića Šerbe k.č. 2094, lomi se idući na sjeveroistok idući uz ulicu Ismeta Alajbegovića Šerbe k.č. 2094 odnosno njegovom projektovanom trasom (ne obuhvata put) te dolazi do njegovog raskršća sa trasom XIII transversale, produžava na jugoistok idući uz trasu XIII transversale koju ne obuhvata te dolazi do njenog raskršća sa ulicom Bulevar Meše Selimovića odnosno raskršća odakle je opis granice Stambeno-poslovne zone broj 1 i počeo.

Sve naprijed navedene parcele nalaze se u K.O. Stup.

Ukupna površina obuhvata iznosi 5,03 ha.

Stambeno-poslovna zona broj 2 obuhvata područje čija granica polazi od tromede parcela k.č. 865, 829 i 868 ide na jugozapad međama parcela k.č. 865 i 864 (obuhvata ih) te dolazi

do trase XIV transversale, lomi se idući na sjeverozapad uz trasu XIV transversale koju ne obuhvata, skreće na sjeveroistok te jugoistok idući uz trasu projektovane saobraćajnice koju ne obuhvata a koja ide preko parcele k.č. 829 te dolazi do tromede odnosno mjesta odakle je opis granice Stambeno-poslovne zone broj 2 i počeo.

Sve naprijed navedene parcele nalaze se u K.O. Stup.

Ukupna površina obuhvata iznosi 1,16 ha.

Stambeno-poslovna zona broj 3 obuhvata područje čija granica počinje sa tromede parcela k.č. 815/12, 815/13 i 812, ide na sjeverozapad trasom projektovane saobraćajnice koju obuhvata a koja ide preko parcele k.č. 812, skreće na jugozapad idući sjeverozapadnom međom parcele k.č. 812 koju ne obuhvata i dolazi do trase XIV transversale, lomi se idući na sjeverozapad uz trasu XIV transversale koju ne obuhvata i dolazi do željezničke pruge Sarajevo-Ploče k.č. 2075, lomi se idući na sjeveroistok uz željezničku prugu Sarajevo-Ploče koju ne obuhvata te dolazi na najsjeverniji rub parcele k.č. 486, lomi se idući na jugoistok uz trasu projektovane saobraćajnice koju ne obuhvata a koja ide preko parcele k.č. 486, 482, 480, 813/3 i 815/8 te dolazi do tromede parcela k.č. 815/9, 815/8 i 815/13, lomi se idući na jugozapad sjeverozapadnom međom parcele k.č. 815/13 koju ne obuhvata te dolazi do tromede odnosno mjesta odakle je opis granice Stambeno-poslovne zone broj 3 i počeo.

Sve naprijed navedene parcele nalaze se u K.O. Stup.

Ukupna površina obuhvata iznosi 3,58 ha.

C. Poslovne zone

Poslovna zona broj 1 obuhvata područje čija granica počinje od raskršća trase XIII transversale i ulice Ismeta Alajbegovića Šerbe k.č. 2094, ide na zapad uz ulicu Ismeta Alajbegovića Šerbe k.č. 2094 odnosno njegovu projektovanu trasu (ne obuhvata je), skreće na sjeveroistok idući međom parcele k.č. 459 (obuhvata je) lomi se idući na jugoistok međama parcela k.č. 459, 470 i 474/1 (obuhvata ih), skreće na sjeveroistok idući međama parcela k.č. 417 i 439 dio (obuhvata ih), produžava na sjeveroistok idući uz trasu projektovanog puta kojeg ne obuhvata a koji ide preko parcele k.č. 439 te izlazi na put k.č. 452 kojim nastavlja na jugoistok te dolazi do njegovog raskršća sa trasom XIII transversale, lomi se idući u pravcu jugoistoka uz trasu XIII transversale koju ne obuhvata i dolazi do njenog raskršća sa ulicom Ismeta Alajbegovića Šerbe k.č. 2094 odnosno raskršća odakle je opis granice Poslovne zone broj 1 i počeo.

Sve naprijed navedene parcele nalaze se u K.O. Stup.

Ukupna površina Poslovne zone broj 1 iznosi 4,05 ha.

Poslovna zona broj 2 obuhvata područje čija granica polazi od tromede parcela k.č. 821/3, 815/13 i 815/14, ide na sjeveroistok te međama parcela k.č. 815/14 i 815/7 koje ne obuhvata skreće na jugoistok idući međama parcela k.č. 818, 821/1 i 821/2 (ne obuhvata ih), postavlja na sjeveroistok idući trasom projektovane saobraćajnice koju obuhvata a koja ide preko parcele k.č. 821/3 i 822, skreće na jugoistok idući trasom projektovane saobraćajnice koju ne obuhvata a koja ide preko parcele k.č. 822, 830 i 829, skreće na jugozapad idući uz trasu projektovane saobraćajnice koju ne obuhvata te izlazi na put k.č. 2079 čijom trasom produžava na jugozapad te dolazi do tromede parcela k.č. 827/4, 827/6 i 2079, lomi se idući na sjeverozapad međom parcele k.č. 827/4 koju obuhvata i dolazi do tačke broj 1 koja se nalazi na međi između parcela k.č. 827/4 i 829 udaljenoj od jugoistočnog ishodišta lista R=1:1000 broj 221 po $y = 87,5$ m a po $x = 201,5$ m, ide na sjeverozapad u pravoj liniji te dolazi do tačke broj 2 koja se nalazi na parceli k.č. 829 udaljenoj od jugoistočnog ishodišta lista R=1:1000 broj 221 po $y = 108,5$ m a po $x = 219$ m, produžava na jugozapad idući uz trasu projektovane saobraćajnice koja ide preko parcele k.č. 829 te dolazi do njenog raskršća sa trasom XIV transversale, produžava na sjeverozapad idući uz trasu XIV transversale koju ne obuhvata, skreće na sjeveroistok idući međama parcele k.č. 812 i 815/13 (obuhvata ih) te dolazi do tromede odnosno mjesta odakle je opis granice Poslovne zone broj 2 i počeo.

Sve naprijed navedene parcele nalaze se u K.O. Stup.

Ukupna površina obuhvata iznosi 9,49 ha.

Član 4.

Urbanističko-tehnički uvjeti za izgradnju objekata:

- Građevinske parcele utvrđene su u separatu Plana - Analitička obrada parcela,
- Građevinska linija utvrđuje graničnu liniju objekata u odnosu na javnu površinu i ujedno označava liniju iskoličenja. Unutar građevinskih linija investitor je slobodan da definiše tlocrt građevina u ovisnosti od potreba i želja, uz uvjet da izgrađenost parcele ne smije biti veća od 60%.
- Građevinska parcela obuhvata jednu ili više katastarskih čestica ili njihovih dijelova.
- Građevinska parcela mora imati trajan pristup na ulicu, odnosno javni put, kao i mogućnost priključenja na komunalnu infrastrukturu.
- Garaže, pomoćni objekti i sl. u pravilu treba da budu riješeni u okvir novoplaniranog gabarita objekta, a prema važećim propisima iz navedene oblasti.
- Preparcelacija se vrši tako, da se parcele utvrđene ovim planom, mogu udruživati ili usitnjavati na način da ona ni na kakav način ne utiče na susjedne parcele.
- Nivelacione kote prizemlja objekata u odnosu na saobraćajnicu - ulicu utvrdit će se na osnovu nivelacionih kota saobraćajnica datih u Planu i moraju biti od istih uvećane za min 15 cm.
- Nivelete pješačkih saobraćajnica kao i prilazi i ulazi u građevine moraju biti isprojektovane i izvedene prema Uredbi o urbanističko-tehničkim uvjetima, prostornim standardima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopetska pomagala ("Službene novine Kantona Sarajevo", broj 5/00).
- Priključenje na javni put i mrežu instalacija treba u svakom konkretnom slučaju posebno projektovati u skladu sa Planom.
- Spratnost i odstojanje građevina utvrđeni su Planom i ne mogu se mijenjati.
- Sve građevine, predviđene ovim Planom, u arhitektonskom smislu oblikovati i graditi od savremenih materijala.
- Za sve građevine koje će se graditi na osnovu ovog Plana potrebno je prethodno pribaviti projektnu dokumentaciju. Projektna dokumentacija mora biti izrađena prema uvjetima predviđenim za 80 MCS skale.
- Prije izdavanja građevinske dozvole potrebno je pribaviti geotehnički izvještaj o terenu.
- Svi objekti koji su izgrađeni bez odobrenja na stabilnom terenu će se legalizovati, ako nisu na koridorima komunalne i saobraćajne infrastrukture, na način kako je dato u Odluci o provođenju ovog Plana.
- Koeficijent izgrađenosti utvrđen je i naznačen u tekstualnom obrazloženju Plana.
- Javne površine (zelene površine, parkirišta, pločnici i sl.) ne mogu se zaposjedati drugim objektima i sadržajima.
- Pasaži i prolazi mogu se koristiti za potrebe sadržaja koji su neposredno uz njih za potrebe otvaranja izloga i ulaza, reklama i vizuelnih komunikacija.

Član 5.

Parcele zadate u prilogu, **Prijedlog plana parcelaciji**, ukoliko investitor želi da gradi čitav objekat u zadatoj građevinskoj liniji, mogu se **udruživati**, ili ako ima više

investitora za jedan objekat, date pacele se mogu **preparcelisati**, na taj način da se poštuje zadata građevinska linija.

Član 6.

Postojeće građevine društvene infrastrukture koje se zadržavaju ovim Planom mogu se rekonstruisati isključivo u funkciji svoje primarne djelatnosti, a na način utvrđen ovom Odlukom.

Član 7.

Postojeće zgrade koje se zadržavaju ovim Planom, mogu se rekonstruisati, dograditi ili nadzidati kako za potrebe stanovanja tako i za potrebe dobivanja poslovnog prostora u kome se mogu obavljati samo djelatnosti koje ne ugrožavaju čovjekovu okolinu i standard života u susjednim zgradama.

Ovi zahvati mogu se odobriti ako procenat izgrađenosti parcele ne prelazi 60% i ako ne pogoršavaju uvjete stanovanja u susjednim zgradama, od kojih su udaljeni minimum 6 m.

Nadzidivanje postojećih zgrada može se dozvoliti pod slijedećim uvjetima:

- da zgrada, na kojoj se vrši nadzidivanje, zadovoljava konstruktivno seizmičke uvjete,
- da spratnost bude maksimalna P+3.

Član 8.

Za objekte koji su dotrajali, kao i za devastirane objekte, može se vršiti zamjena stambenog fonda, sa uvećanjem ili dislokacijom postojećeg gabarita maksimalno toliko da koeficijent izgrađenosti parcele ne prelazi 0,6 (slovima: nula šest) i ako ne pogoršava uvjete stanovanja u susjednim objektima, od kojih su udaljeni minimum 6,0 m.

Član 9.

Ovim Planom utvrđene su kategorije zelenila.

1. Linijski sistem zelenila - aleja (od stablašica markantnih morfoloških karakteristika koje odgovaraju datim stanišnim uvjetima) uz primarne saobraćajnice kao i kraći potezi (manje aleje) unutar obuhvata posmatranja.
2. Zelene površine uz poslovne objekte sa oblikovnim rješenjem koje će doprinijeti unapređenju ukupnih karakteristika planskog obuhvata.
3. Zelene površine uz objekte individualno i kolektivnog stanovanja.
4. Parkovske površine uz sportske terene i prostore za rekreaciju i igru.

Površine utvrđene kao neka od ovih kategorija ne mogu se koristiti za druge namjene, niti se mogu graditi objekti koji nisu u skladu sa funkcijom koja ta kategorija zelenila treba da ostvari.

Izgradnja i uređenje zelenih površina vršiće se u skladu sa izvedbenom dokumentacijom koja mora biti u skladu sa Planom.

Član 10.

Površine za parkiranje, odnosno garažiranje vozila utvrđene su Planom - faza saobraćaja.

Član 11.

Izgradnja objekata vrši se na osnovu urbanističkog projekta i idejnog rješenja arhitektonskih objekata sa urbanističkim rješenjem građevinske parcele na prethodno uređenom građevinskom zemljištu.

Član 12.

Izgradnja objekata privremenog karaktera može se odobriti samo za potrebe izgradnje arhitektonskih objekata, objekata komunalne infrastrukture i saobraćajnica koji su u funkciji gradilišta unutar obuhvata ovog Plana.

Član 13.

Na postojeće objekte koji su predviđeni za rušenje mogu se odobriti samo radovi tekućeg održavanja.

Član 14.

U poslovnim prostorima mogu se obavljati sve djelatnosti koje ne ugrožavaju prirodnu sredinu i okoliš, koje ne remete korištenje susjednih objekata i sadržaja i koje se vrše u objektima izgrađenim u skladu sa važećim propisima u odnosu na djelatnosti koje se u njima vrše.

Član 15.

Pri izdavanju dozvole za građenje arhitektonskih objekata potrebno je pribaviti geološki nalaz i uvjete temeljenja od stručnih institucija, a statički proračun mora se dimenzionirati za potrebe najmanje 80 MCS.

Član 16.

Objekti za sklanjanje stanovništva i materijalnih dobara kao i drugi objekti za potrebe NO i CZ mogu se graditi na osnovu važećih propisa iz oblasti NO i CZ.

Član 17.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-2163/06-5
5. oktobra 2006. godine
Ilidža

Predsjedavajući
Općinskog vijeća
Pero Šimunović, s. r.

Na osnovu člana 47. stav (2) tačka b). Zakona o prostornom uređenju ("Službene novine Kantona Sarajevo", broj 7/05) i člana 36. stav (1) tačka b) Statuta Općine Ilidža ("Službene novine Kantona Sarajevo", broj 5/98), Općinsko vijeće Ilidža je, na sjednici održanoj 5. oktobra 2006. godine, donijelo

ODLUKU

O USVAJANJU IZMJENA I DOPUNA REGULACIONOG PLANA "STARI STUP "

Član 1.

Usvajaju se Izmjene i dopune Regulacionog plana "Stari Stup" (u daljnjem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluku o provođenju Izmjena i dopuna Regulacionog plana "Stari Stup"
- Tekstualni dio Plana.

Grafički dio sadrži:

A. - POSTOJEĆE STANJE

1. Geodetska podloga 1:1000
2. Izvod iz urbanističkog plana 1:5000
3. Postojeće stanje -
Namjena, spratnost, i kategorizacija
arh. objekata 1:1000
4. Postojeće stanje
Posjedovno stanje 1:1000

B. PROJEKCIJA RAZVOJA

1. Namjena površina 1:1000
2. Namjena, razmjštaj i spratnost arh. objekata . . . 1:1000
3. Plan rušenja 1:1000
4. Mreža građevinskih i regulacionih linija 1:1000

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Ilidža i Zavodu za planiranje razvoja Kantona Sarajevo.